



Bosnia and Herzegovina  
Federation of Bosnia and Herzegovina  
**HERZEGOVINA-NERETVA CANTON**  
**Ministry of Internal Affairs**

---

Broj: 02-02-30-01-134-5/23

Datum: 12.01.2023.godine

Na osnovu člana 49. Zakona o policijskim službenicima Hercegovačko-neretvanskog kantona („Službene novine HNK“ broj 9/07, 9/12, 7/19, 5/22 i 12/22), člana 14. Pravilnika o sadržaju, načinu i rasporedu testiranja kandidata i sistemu bodovanja testova u procesu izbora policijskih službenika broj: 02-01-04-258/16 od 18.02.2016.godine i broj: 02-01-04-667/17 od 29.5.2017.godine i Rješenja o imenovanju Komisije za izbor broj: 02-02-30-94/23 od 09.01.2023.godine, Komisija za izbor kandidata u procesu izbora policijskih službenika u Upravi policije MUP HNK, r a s p i s u j e

## **J A V N I O G L A S**

za popunu upražnjenih radnih mjesta policijskih službenika u Upravi policije, Ministarstva unutrašnjih poslova Hercegovačko - neretvanskog kantona

1. u činu „**policajac**“ u Upravi policije kao prvi nivo pristupa za kandidate sa najmanje IV stepenom stručne spreme - **broj izvršioaca - 130 (sto trideset)**
2. u činu „**mlađi inspektor**“ u Upravi policije kao drugi nivo pristupa za kandidate sa najmanje VI stepenom stručne spreme ili najmanje završenim prvim ciklusom visokog obrazovanja - **broj izvršioaca - 20 (dvadeset)**

### **I. USLOVI ZA PRIJAVLJIVANJE NA JAVNI OGLAS:**

#### **Opšti uslovi za kandidate:**

Kandidati moraju ispunjavati sljedeće opšte uslove propisane članom 46. Zakona o policijskim službenicima Hercegovačko - neretvanskog kantona:

- a) državljanstvo Bosne i Hercegovine,
- b) životna dob između 18 i 27 godina za početni čin policajac i do 35 godina za početni čin mlađi inspektor,
- c) najmanje IV stepen stručne spreme za čin policajac, a najmanje VI stepen stručne spreme ili najmanje završen prvi ciklus visokog obrazovanja za čin mlađeg inspektora,
- d) ljekarsko uvjerenje ne starije od tri mjeseca kao dokaz o fizičkoj i psihičkoj sposobnosti za rad,
- e) da nije otpušten iz institucije državne uprave ili iz vojne službe u Bosni i Hercegovini kao rezultat disciplinske sankcije,

- f) da protiv njega nije pokrenut krivični postupak ili/i da nije postala pravosnažna kazna zatvora za krivično djelo, osim za krivična djela protiv bezbjednosti saobraćaja u skladu sa krivičnim zakonodavstvom,
- g) da nije optužen od Međunarodnog krivičnog tribunala za bivšu Jugoslaviju i da se nije odbio pojaviti pred Tribunalom.

**Posebni uslovi za kandidate:**

- položen vozački ispit „B“ kategorije

**II. POTREBNA DOKUMENTACIJA:**

Uz „**Prijavni obrazac**“, kandidati su dužni dostaviti sljedeću dokumentaciju:

1. Uvjerenje o državljanstvu BiH (ne starije od 6 mjeseci),
2. Izvod iz matične knjige rođenih (sa rokom važenja „trajno“),
3. Dokaz o završenom najmanje IV stepenu stručne spreme za čin policajac, odnosno najmanje VI stepen stručne spreme ili najmanje završen prvi ciklus visokog obrazovanja za čin mlađi inspektor (nostrificirana diploma ukoliko škola nije završena u Bosni i Hercegovini ili je diploma stečena u nekoj od država nastaloj raspadom SFRJ, nakon 06.04.1992.godine),
4. Izjava kandidata ovjerena kod nadležnog organa ili potvrda/uvjerenje poslodavca ili državnog organa ili institucije da nije otpušten iz institucija državne uprave ili iz vojne službe u Bosni i Hercegovini kao rezultat disciplinske sankcije,
5. Uvjerenje o ne vođenju krivičnog postupka izdato od strane nadležnog suda (ne starije od tri mjeseca),
6. Izjava kandidata ovjerena kod nadležnog organa da nije optužen od Međunarodnog krivičnog tribunala za bivšu Jugoslaviju i da se nije odbio pojaviti pred Tribunalom,
7. Dokaz o položenom vozačkom ispitu „B“ kategorije.

Istovremeno sa dostavom dokaza o ispunjavanju uslova Javnog oglasa, kandidati koji ostvaruju pravo na osnovu Zakona o dopunskim pravima branilaca i članova njihovih porodica („Službene novine HNK“, broj: 6/18, 4/21 i 7/22), dužni su dostaviti i dokaz o ispunjavanju uslova iz navedenog Zakona.

**Napomena:**

Opšti uslov iz tačke f) odjeljka I. USLOVI ZA PRIJAVLJIVANJE NA JAVNI OGLAS u dijelu koji se odnosi na „i da nije postala pravosnažna kazna zatvora za krivično djelo, osim za krivična djela protiv bezbjednosti saobraćaja u skladu sa krivičnim zakonodavstvom“, Komisija za izbor će utvrditi naknadno, po službenoj dužnosti i to za kandidate koji su odabrani radi upućivanja na ljekarski pregled i sigurnosne provjere.

Ljekarsko uvjerenje, kao opšti uslov, odnosno potvrdu zdravstvene sposobnosti priložit će kandidati koji su predloženi za prijem i isti snose troškove ljekarskog pregleda.

Kandidat koji se prijavio na Javni oglas, a koji ne ispunjava sve opšte i posebne uslove odnosno koji nije podnio pismenu prijavu na propisanom obrascu ili prijava ne sadrži tražene podatke ili uz prijavu nije priložio dokumentaciju utvrđenu Javnim oglasom ili nije predao prijavu i dokumentaciju u propisanom roku, Komisija prijavu tog kandidata ne prihvaća i istog uvrštava na Listu kandidata koji nisu ispunili uslove za pristupanje testiranju, a koja će biti objavljena na web stranici MUP-a HNK: [www.muphnk.ba](http://www.muphnk.ba), te na oglasnim pločama MUP-a u sjedištu i Policijskih uprava Mostar, Konjic i Čapljina, sa naznakom razloga za isključenje.

Prilikom odabira kandidata rukovodilac Uprave policije će se rukovoditi odredbama člana 4. Zakona o policijskim službenicima HNK, kojim je propisano da: “Struktura policijskih službenika u policijskom organu odražava nacionalni sastav stanovništva na teritoriji koji obuhvaća Kanton prema popisu iz 1991. godine”.

### III. PRAVILA POSTUPKA IZBORA KANDIDATA

U cilju zaštite ličnih podataka kandidata, a primjenom odredbi Zakona o zaštiti ličnih podataka BiH, svim kandidatima će se prilikom prijave na Javni oglas, dodijeliti identifikacijski broj-šifra, koja će se koristiti u postupku odabira, umjesto ličnog imena i prezimena, i ista će biti na potvrdi o prijemu podneska – prijave. Svaki kandidat je dužan čuvati tajnost identifikacijskog broja - šifre.

Kandidati koji prijavu na Javni oglas dostave putem preporučene pošte, dodijeljeni identifikacijski broj - šifra, bit će saopštena putem kontakt telefona ili e-maila iz Prijavnog obrasca, dok će im na prvom testiranju biti uručena potvrda o prijemu prijave - podneska sa dodijeljenim identifikacijskim brojem - šifrom.

Kandidati koji ispunjavaju opšte i posebne uslove iz Javnog oglasa i koji su dostavili svu traženu dokumentaciju imaju pravo pristupa testiranju po sljedećem redosljedu:

- a) test opšteg znanja, uključujući pisani rad,
- b) test fizičke sposobnosti,
- c) ljekarski pregled,
- d) psihološki pregled, uključujući test i razgovor,
- e) drugi test koji policijski organ smatra potrebnim ili opravdanim (intervju).

Testiranje se obavlja najkasnije 30 dana poslije isteka roka za prijavljivanje.

Kandidat koji ne prođe na jednom od navedenih testova, isključuje se iz daljeg procesa odabira, što se objavljuje na web stranici MUP-a HNK: **www.muphnk.ba**. te na oglasnim pločama MUP-a u sjedištu i Policijskih uprava Mostar, Konjic i Čapljina, sa naznakom razloga za isključenje.

Test opšteg znanja obuhvatit će pitanja iz sljedećih oblasti:

- Ustav (Bosne i Hercegovine, Federacije Bosne i Hercegovine i Hercegovačko - neretvanskog kantona),
- Zakon o unutrašnjim poslovima Hercegovačko - neretvanskog kantona,
- Zakon o policijskim službenicima Hercegovačko - neretvanskog kantona,
- Krivični zakon Federacije Bosne i Hercegovine,
- Zakon o krivičnom postupku Federacije Bosne i Hercegovine i
- Zakon o prekršajima Federacije Bosne i Hercegovine.

Navedeni propisi za ispit opšteg znanja dostupni su na web stranici MUP-a HNK: **www.muphnk.ba**.

Komisija će prilikom pripreme testova voditi računa da pitanja za test opšteg znanja prilagodi nivou pristupa u čin „policajac“ odnosno „mlađi inspektor“ .

Pisani rad na zadanu temu sastojat će se od teme iz oblasti kulture, društveno-političkog života ili rada policije u zajednici, a vrednuje se po sljedećim kriterijima:

- a) izražavanje,
- b) urednost,
- c) odgovor na zadanu temu.

Kompletna procedura provjere kandidata vršit će se u skladu sa Pravilnikom o sadržaju, načinu i rasporedu testiranja kandidata i sistemu bodovanja testova u procesu izbora policijskih službenika broj: 02-01-04- 258/16 od 18.02.2016.godine i 02-01-04-667/17 od 29.05.2017. godine i Poslovnika o radu Komisije za izbor kandidata u Upravi policije.

**Ostale važne napomene za kandidate:**

Zdravstvena sposobnost kandidata, kao sastavni dio testa, obavit će se u skladu sa Pravilnikom o mjerilima i načinu utvrđivanja posebne psihičke i fizičke zdravstvene sposobnosti za osobu koja se prima u policiju i policijskog službenika, te o sastavu i načinu rada zdravstvenih povjerenstava u ovlaštenim zdravstvenim ustanovama broj: 02-01-04-551/15 od 23.04.2015.godine.

Kandidat koji ne zadovolji provjere zdravstvene sposobnosti uključujući i morfološki status: visina - minimalno 170 cm za muškarce i 160 cm za žene, te težina - minimalno 60 kg za muškarce i 50 kg za žene, neće biti odabran za školovanje za pristup policijskom organu.

Nakon odobravanja liste kandidata predloženih za pohađanje osnovne obuke za kadete, kandidati će biti podvrgnuti sigurnosnim provjerama u skladu sa Zakonom o zaštiti tajnih podataka BiH. U slučaju da kandidat ne prođe sigurnosne provjere, isti će biti isključen iz daljeg procesa odabira.

Odabrani kandidati za čin „policajca“ pohađaju osnovnu obuku kao kadeti u trajanju od osam mjeseci, od toga pet mjeseci teorijske nastave i tri mjeseca praktične nastave u organu koji upućuje kandidata na obuku. Odabrani kandidati za čin „mlađi inspektor“ pohađaju osnovnu obuku kao kadeti u trajanju od šest mjeseci, od toga tri mjeseca teorijske nastave i tri mjeseca praktične nastave u organu koji upućuje kandidata na obuku. Kadet koji samovoljno napusti obuku ili je isključen sa obuke svojom krivnjom, nadoknadit će policijskom organu troškove obuke. Probni rad policijskog službenika traje 12 (dvanaest) mjeseci.

Pravilnik o sadržaju, načinu i rasporedu testiranja kandidata i sistemu bodovanja testova u procesu odabira policijskih službenika i Pravilnik o mjerilima i načinu utvrđivanja posebne psihičke i fizičke zdravstvene sposobnosti za osobu koja se prima u policiju i policijskog službenika, te o sastavu i načinu rada zdravstvenih komisija u ovlaštenim zdravstvenim ustanovama će biti dostupni na web stranici MUP-a HNK: **[www.muphmk.ba](http://www.muphmk.ba)**.

O vremenu i mjestu provjere testa opšteg znanja, uključujući pisani rad, provjeru fizičke sposobnosti, ljekarskog pregleda i intervjua, kandidati će biti obaviješteni putem web stranice MUP-a HNK: [www.muphmk.ba](http://www.muphmk.ba), u sjedištu, te na oglasnim pločama MUP-a u sjedištu i Policijskih uprava Mostar, Konjic i Čapljina, prema dodijeljenim identifikacijskim brojevima - šiframa za svakog kandidata.

Kandidati su dužni postupati u skladu sa navedenim obavještenjima Komisije, jer u slučaju ne postupanja po spomenutim obavještenjima, smatrat će se da je kandidat odustao od prijave na Javni oglas.

Potrebni dokumenti iz Javnog oglasa, predaju se u originalu ili ovjerenoj kopiji u zatvorenoj koverti i ne podliježu vraćanju.

Kandidati su obavezni uz prijavu predati samo dokumentaciju koja se traži Javnim oglasom, odnosno nije potrebno dostavljati dokumentaciju kojom se dokazuje ispunjavanje bilo kakvih drugih uslova (kursevi, doškolovanje i sl.).

Prijava na Javni oglas sa potrebnim dokumentima se podnosi na Prijavnom obrascu koji se može preuzeti na web stranici MUP-a HNK: [www.muphnk.ba](http://www.muphnk.ba) , ili u sjedištu MUP-a HNK, Ulica Brune Bušića bb, u Mostaru.

**Kandidat je dužan da na Prijavnom obrascu (za prvi nivo pristupa u činu „policajac“ ili/ drugi nivo pristupa u činu „mlađi inspektor“) upiše sve tražene podatke, te da potpiše i saglasnost za korištenje ličnih podataka koja je sastavni dio Prijavnog obrasca.**

Ogledni primjer „IZJAVE“ iz tačke 4. i 6. odjeljka II. POTREBNA DOKUMENTACIJA, dostupne su u prilogu Javnog oglasa na web stranici MUP-a HNK: [www.muphnk.ba](http://www.muphnk.ba).

**Kandidati dostavljaju potrebnu dokumentaciju obavezno u zatvorenoj koverti, neposredno predajom na Pisarnici MUP-a HNK u sjedištu ili preporučenom poštom, na adresu:**

**Ministarstvo unutrašnjih poslova Hercegovачko - neretvanskog kantona,  
Ulica Brune Bušića bb, 88 000 Mostar,  
uz obaveznu naznaku**

**“Prijava za Javni oglas za popunu upražnjenih radnih mjesta policijskih službenika u Upravi policije, Ministarstvo unutrašnjih poslova Hercegovачko - neretvanskog kantona”**

**- Ne otvarati –**

U slučaju da u dostavljenim podacima postoje određene nejasnoće koje dovode Komisiju za izbor u dilemu oko ispunjavanja nekih propisanih opštih i posebnih uslova ovog oglasa, Komisija za izbor zadržava pravo da službenim putem zatraži o tome odgovarajuće objašnjenje ili mišljenje od nadležnog organa, kao i dostavu odgovarajućih akata kao dokaz.

Ispunjavanje uslova utvrđenih ovim oglasom računa se danom predaje prijave kandidata na Javni oglas.

Javni oglas ostaje otvoren 30 (trideset) dana od dana posljednjeg objavljivanja u dnevnim novinama.

**KOMISIJA ZA IZBOR**